



# ज्वजलपा वाह्यो

## JWOJALAPA WEEKLY

दैं न ल्या: २६ (पूर्णडक १७३) ने. सं. ११३८ चिल्लाथ्व तृतिया आइतवा: २०७४ फागुण ६ गते आइतवार (Feb- 18, 2017)

मू न १- पृष्ठ ६

### नेकपा (एमाले) व माओवादी केन्द्रया एकताया सन्दर्भ

## ‘छन्हु-निन्हु’ गबले वइगु ख: ?

ज्वजलपा वा:पौ /

नेकपा (एमाले) व नेकपा माओवादी केन्द्रया दथुइ छन्हु निन्हुया दुने एकताया खँ दुंगेजुइ धका: निगू हे पार्टीया अध्यक्षपिं केपी शर्मा ओली व पुष्पकमल दाहाल लगातार रुपं धयाच्चनादीगु जूसां व दिन धा:सा आ: तक नं व:गु मरुनि ।

निम्हेसिया दथुइ वान टु वान धका: त:क्व:मछि हे वार्ता जुइ धुंकूगु जूसां नं सकारात्मक धायेगु तर सहमति जूगु समाचार धा:सा व:गु मरुनि ।

शनिवा: नं एमालेया अध्यक्ष नापं प्रधानमन्त्री केपी शर्मा ओली व माओवादी केन्द्रया अध्यक्ष पुष्पकमल दाहालया दथुइ वान टु वान वार्ता जूगु जूसां नं मूर्त रुपं सहमति जुल धका: खँ पित हये फयाच्वंगु मरुनि ।

एमालेया अध्यक्ष केपी शर्मा ओली व माओवादी केन्द्रया अध्यक्षया दथुइ सहमति लिक्क थ्यनीगु अवस्थाय् नं निगू हे दलया निगूगु तहया नेतातयसं अडान कायेवं हाकनं सहमति



त्वा:थलेगु ज्या दुने दुने जुयाच्वंगु ख: धका: सूत्रं धा:गु दु । एमालें जनताया बहुदलिय जनवाद अर्थात जवजयात मार्ग प्रदर्शक सिद्धान्तया रुपय् नाला कायेमा: धयाच्वंगु दुसा माओवादी केन्द्रं माओवादी व २१ औं सताब्दीया जनवाद धका: धायेगु याना वयाच्वंगु दु । सिद्धान्तया बारे थुगु कथं निगू दलया नेतातयसं अडान कयाच्वंगु खनेदु । आ:या अवस्थाय् एकीकृत पार्टीया मार्ग प्रदर्शक सिद्धान्त छु नालेगु ? अले नेतातयसं गुगु कथं व्यवस्थापन यायेगु धइगु बारे हे

दक्ले त:धंगु हाथ्या जुयाच्वंगु ख: । निगू पार्टी एकीकृत जुइगु अवस्थाय् थ:पिनिगु हैसियत छु जुइ धका: न्हयस:तसें निगू हे दलया निगूगु तहया नेतातयसं पार्टीया अध्यक्षतयसं दबाव विइगु यानाच्वंगुलिं नं निम्ह अध्यक्ष ओली व दाहालयात पार्टी एकताया बारे निर्णय यायेत थाक्याच्वंगु ख: धका: सूत्रं धा:गु दु ।

थनि भिं च्याला न्हय: माओवादी केन्द्रया अध्यक्ष पुष्पकमल दाहालया समर्थन मदया हे एमालेया अध्यक्ष केपी

शर्मा ओली सिंहदरवारं पिहां वयेमा:गु अवस्था ब्वलंगु ख:सा आ: धा:सा व हे माओवादी केन्द्रया दाहालया समर्थनय् ओली हाकनं सिंहदरवारय् वनेत सफल जूगु ख: ।

निगू दलया अध्यक्ष ओली व दाहालया दथुइ वंगु असोज १७ गते निगू दल एकता यायेगु धका: सहमति जुया हे मंका: कथं गठबन्धन दयेका तकं चुनावय् ला:गु ख:सा चुनाव क्वचा:गु निला दये धुंकूगु अवस्थाय् तक नं एकीकृत पार्टीया आकारयात मूर्त रुप विइ फयाच्वंगु अवस्था मरुनि । विहिवा: केपी शर्मा ओली प्रधानमन्त्रीइ नियुक्ति जुयादीगु ख:सा उखुन्हु हे प्रधानमन्त्रीया शपथ ग्रहणया इलय् दाहाल धा:सा सिन्धुलिपाखे बनाविल । ओलीया सरकारयात पूर्णता विइ फयाच्वंगु मदु अले माओवादी केन्द्रपाखे सरकारय् सहभागी जुयाच्वंगु अवस्था नं मरुनि । उकिं पिने वयाच्वंगु थें अपुक निगू पार्टी छन्हु निन्हुया दुने एकता जुइगु संभावना मदु धका: तकं मनूतयसं टिप्पणी यानाह:गु दु ।

### ३ नम्बर प्रदेशया राजधानीयात कया कचमच मयायेत इनाप



ज्वजलपा वा:पौ

३ नम्बर प्रदेशया राजधानी (अस्थायी मुकाम) गन तयेगु धका: निर्णय तकं मजुनिगु अवस्थाय् हे काभ्रे जिल्लाय् राजधानी तयेमा: धका: माग याना अनया स्थानीयवासीनिसं जनप्रतिनिधितयसं दबाव विइगु ज्या या:गु ख: । अथे दबाव विइगु ज्या जुयाच्वंगुया दथुइ हे देउवा सरकारं अस्थायी मुकाम धका: हेटौँडायात क्व:छिउगु ख: ।

३ नम्बर प्रदेशया मुख्यमन्त्री डोरमणि पौडेलं ३ नम्बर प्रदेशया राजधानीयात कया आर्विनिसं कचमच मयायेत इनाप यानादीगु दु । देउवा सरकारं हेटौँडायात अस्थायी मुकाम क्व:छिउगु ख:सा हेटौँडाया हे जनप्रतिनिधि जुया मुख्यमन्त्री जुयादीम्ह पौडेलं आ:या अवस्थाय् प्रदेशया राजधानीया बारे हथाय् चायेमजिउ धका: धयादिल । शनिवा: धुलिखेल नगरपालिकाया ३२ क्व:गु स्थापना दिवसया लसताय् जूगु ज्याभ्वलय् न्वंवासं सांसद गोल्क बास्कोटां भौगोलिक कथं काभ्रे ३ नम्बर प्रदेशया राजधानी दयेकेगु पाय्छि जू धका: धयादीगु ख: । उगु ज्याभ्वलय् मुख्यमन्त्री पौडेलं धयादिल 'जिगु नितिं भिस्वंगु हे जिल्ला बराबर ख: । प्रदेशसभाया बैठक जुइवं छसिंकथं राजधानीया बारे खँ वइ, आ: हे हथाय् चाये मजिउ, प्रदेशया मन्त्रालयया सवालय् छु यायेगु धइगु बारे अन्यौलता दु, हाउस नं अन्यौलताया दथुइ संचालन जुयाच्वंगु दु । राजधानी गन आवश्यकता ख: अन हे तयेगु जुइ ।'

हेटौँडाया स्थानीयवासीतयसं ३ नम्बर प्रदेशया राजधानी मकवनापुर जिल्लाया हेटौँडाया हे तयेमा: धका: धयाच्वंगु दुसा बरु मन्त्रालयया ज्याक् धा:सा काभ्रे नापं थीथी जिल्लाय् तयेफइ धका: धया वयाच्वंगु दु ।



नेवा: भाय् नेवा:तय्गु नुग: ख: धइगु भावनायात ज्वना नेपालभाषाया माध्यमं संचार विकास जुल धा:सा धात्थें नेवा: ख्य: न्हय:ने वनी धइगु तायेका नेवा: भासं पत्रकारिता विकास यायेगु जिमिगु अभियान

दच्छिया स्वस: तका (३००१-) जक ग्राहक जुयादिसं अभियानय् साथ बियादिसं



# ज्वजलपा वाह्यो

स्वापू: निखासी त्वा: किपू नपा-३  
फोन ल्या: ४३३३००७, ९८४१४०१०७७



# ज्वजलपा वा:पौ

सल्लहकार

प्रा. डा. शिवशरण महर्जन, प्रयागमान प्रधान

प्रकाशक:

नजरराम महर्जन

सम्पादक

श्रीकृष्ण महर्जन

ले-आउट:

ज्वजलपा डेस्कटप

संवाददाता: भरत महर्जन, रामभोला महर्जन, निरजमान सिंह

थाकू: प्रिन्ट स्काई, यें

ज्याकू: निखासी त्वा: किपू नपा-३

फोनल्या: ४३३३००७, ९८४९४०९०७७

ई-मेल : jwojalapaweekly@gmail.com

## सम्पादकिय

## ओली सरकारया पूर्णता गबले ?

नेकपा (एमाले)या अध्यक्ष केपी शर्मा ओली माओवादी केन्द्रया अध्यक्ष प्रचण्डया समर्थनय् प्रधानमन्त्रीइ नियुक्ति जुयावीगु स्वन्हु दये धुंकूगु जूसां नं स्वम्हेसिया जक मन्त्री परिषद् जुयाच्वंगु दु । शनिवा: तकया दुने नं माओवादी केन्द्रया छम्ह हे मन्त्रीइ नियुक्ति याये फयाच्वंगु मदु । निगू पार्टी एकता नाप स्वाका वार्ता लगातार रुप याचाच्वंगु जूसां नं सरकार यात धा:सा पूर्णता विइ फयाच्वंगु अवस्था मदु । पार्टी एकता धइगु निगू पार्टीया नेता कार्यकर्ता नाप जक स्वापू दुगु सवाल ख:सा सरकारया सवाल धइगु सकल नेपा:मि नाप नं स्वानाच्वंगु विषय ख: ।

सरकार याइगु ज्या धइगु सकल नेपा:या निति अले नेपा:या निति ख: । उकिं जनतां धइगु सरकारयात गबले पूर्णता विइगु ख: ? सरकार गबले जनताया निति ज्या याइगु ख: ? चुनावया इलय् धा:गु थे समृद्धि गबले हइगु ख: ? जनताया ज्या गबले याइगु ख: ? धका: न्हयस: तयाच्वंगु दु । प्रधानमन्त्री ओली नियुक्ति जुयावीगु स्वन्हु दये धुंकूसां नं स्वम्ह जक मन्त्री जुयाच्वंगु धइगु निगू दलया नेतातय्गु दथुइ विवाद दुगुलिं ख: धका: सर्वसाधारण मनूतय्सं थुइकीगु स्वाभाविक हे ख: ।

आ:या अवस्थाय् प्रधानमन्त्री नाप एमालेया अध्यक्ष केपी शर्मा ओलीयात निगू पार्टी एकता यायेगु, निगू दलया नेता व कार्यकर्तातय् ब्यवस्थापन यायेगु सवालसिबे नं त:धंगु ज्या धइगु प्रधानमन्त्रीया हैसियत फुकक नेपा:मिपिनिगु भिं जुइगु ज्या यायेगु नाप. देय्या निति ज्या यायेगु भाला त:ध कथं नाला न्हापांगु प्राथमिकता धइगु जनताया ज्या यायेगु धका: थुइका जनताया निति ज्या यायेमा: ।

## गजल शौरभ शाक्यया

गजल-६२

हायेका जित:, नुग:मुइका छं

त्वह: गन कया हया, लुइका छं ।

जिँला जिगु सर्वश्व, छं धयागु ख:

गथे जिगु खँ, अखतं थुइका छं ।

प्यन्ह्या जिन्दगी, चितासु मदयेका

म्वा:मदुगु नुगलय, खँ बुइका छं ।

घा:जगु ख:सा, मल्लम पाये अन

छाय् जुया घा:, हि जुइका छं ।

लानि अभनं, स्यंथाय् ल्त्वने यक्व:

जीवन अथें, फसय् हुसुरं पुइका छं ।



## आ: दीर्घकालिन सवालय् वनेमा:



श्रीकृष्ण महर्जन

थौकन्हय् ३ नम्बर प्रदेश व थुगु प्रदेशया मुख्य मन्त्री जुयादीम्ह ब्यक्तित्वया बारे नेवा: ख्यलय् तसकं बहस जुयाच्वंगु दु । ३ नम्बर प्रदेशया मुख्य मन्त्री नेवा: अष्टलक्ष्मी शाक्य यायेमाली धका: एमालेया ब्रम्ह नेतात जाना ब्रम्हयात हे त्याकल धाईपिं दु । अथे हे एमाले दुने माधव नेपाल गुट जुया बूगु अले केपी ओली गुट त्या:गु धाईपिं दु ।

उगु हे कथं नेवा: जूसां नं नेवा:तय्गु निति आ: तक छुं हे मया:म्ह जूगुलिं शाक्य बूगु धाईपिनिसें नेवा: हे जुया नं नेवा:या विरुद्ध उम्मेदवार जूम्ह ब्रम्हया समर्थक व प्रस्तावक तकं नेवा: जूगुलिं नेवा:तय्सं हे शाक्ययात मत मविउगु ख: धाईपिं नं दु । थुगु ल्याखं स्वल धा:सा एमाले दुनेया अन्तर विरोध, नेवा: व ब्रम्हया दथुइ अन्तरविरोधया भ्क्वलय् हे ब्रम्ह ३ नम्बर प्रदेशया मुख्यमन्त्री जुल धका: धायेछिं ।

नेवा: व तामाडतय्गु बाहुल्यता दुगु कथं नालात:गु अले नेवा:त मुख्यमन्त्री जुइगु संभावना दुगु प्रदेश धइगु हे ३ नम्बर प्रदेश ख: अले मेगु प्रदेशय् ला म्हगस तकं खंकेम्वा:गु जुया हे नेवा:तय्सं थुगु प्रदेशय् मुख्यमन्त्री नेवा: हे जूसा जिउ धका: तायेकीगु स्वाभाविक हे ख: ।

नेवा: व तामाडत थ:पिनिगु निति छुं हे मजुल धका: तायेकी धका: एमाले व माओवादी केन्द्रया शीर्ष नेतातय्सं ३ नम्बर प्रदेशया सभामुखय् नेवा: व उपसभामुखय् तामाडयात ल्येगु ज्या तकं या:गु दु । थुकिया अर्थ नेवा: व तामाडत पहिचानया निति दना बल धा:सा कन्हय् ज्यामछिनेफु धका: तायेका अथे सभामुख व उपसभामुख पदया निति जक ल्य:गु धायेछिं ।

कार्यकारी पदय् ब्रम्ह अले मानार्थ कथंया पदय् जक नेवा: व तामाडयात ल्य:गु धइगु नेवा: व तामाडतय् तं मचायेकेगु निति ख: धका: अ:पुक हे धायेछिं ।

संघीय संरचानाय् वने धुंका: मुलुकय् न्हयगू प्रदेश दयेकूगु ख:सा न्हयगू मध्ये २ नम्बर प्रदेश बाहेकया अवस्था स्वल धा:सा फुकक धइथें ३ नम्बर प्रदेशया अवस्था थें हे ख: । मेमेगु प्रदेशय् मेमेगु जानजाति, मधेसी नाप उत्पीडित समुदायपाखें अप्क: बसोबास यानाच्वंगु ख:सा ३ नम्बर प्रदेशय् नेवा: व तामाडतय्गु जनसंख्या

पशुपतिनाथया देग: दुगुलिं पशुपति प्रदेश, थुगु प्रदेशया दक्ले त:धंगु खुसी नारायणी जुगुलिं नारायणी प्रदेश, वागमती सभ्यता विकास जूगुलिं वागमती प्रदेश, स्वयम्भुनाथ दुगुलिं स्वयम्भु प्रदेश, स्वनिग:या ल: पिछवयेगु ज्या या:गुलिं मञ्जुश्री प्रदेश धका: तर्क तयाच्वंगु दु । थ्व भुगोल, धर्म, खुसी लगायतया नां स्वना नेवा: पहिचानयात प्राथमिकता मतसे नां तयेमा: धाईपिनिगु तर्क ख: । थ:थ:गु चेतना स्तर कथं अले राजनीतिक पार्टी व नेतातय्गु प्रभावया आधारय् धयाच्वंगु दु । वास्तवय् नेपालय् संघीयता हयेमा:गु धइगु खुसिया नितिं मखु, धर्मया नितिं नं मखु अले भूगोलया नितिं नं मखु, उत्पीडित समुदायायात न्हय:ने यंकेगु नितिं, मधेसी, आदिवासी जनजातितय्गु अधिकार स्थापित यायेगु नितिं हे ख: ।

अप्व: दगु अवस्था ख: । मुख्यमन्त्रीया सवालय् छगू हे कथंया मुल समस्या जुयाच्वंगु खने दु । अले आशांघागु खनेदु उत्पीडित समुदाय ।

प्रदेशया मुख्यमन्त्री जक मखु आ: प्रदेशया नांया सवालय् नं अज्व:गु हे कथंया समस्या अवश्य नं वइ । आ: तक प्रदेशया नां १ निसें ७ तक तयात:गु दुसा उगु प्रदेशया नां आ: पहिचानया आधारय् तयेगु ज्या अ:पुक जुइगु अवस्था मदु धका: धायेछिं । ३ नम्बर प्रदेशया हे सवालय् जक स्वल धा:सां नं नांया सवालय् त:धंगु मत भिन्नता दु ।

नेवा: न्हयलुवातय्सं ३ नम्बर प्रदेशया नां नेवा: तामाड प्रदेश धका: नां तयेमा: धयाच्वंगु दुसा गुलिं गुलिसिनं धा:सा नेपालमण्डल प्रदेश धका: नां तयेमा: धयाच्वंगु दु । कन्हय् वना नेवा: व तामाडतय्गु ब्यागलं ब्यागलं कथंया प्रदेश दयेकेत जिइक नेवा: तामाड प्रदेश नां तयेमा: धायेगु याना वयाच्वंगु ख:सा गुलिं गुलिसिनं धा:सा ऐतिहासिक नां नेपालमण्डल तयेमा: धायेगु याना वयाच्वंगु दु । नेवा: तामाड प्रदेश धका: नां तयेगु धइगु जातीय पहिचानया आधारय् तामाडत व नेवा:त जाना वनेगु कथंया नां ख:सा नेपालमण्डल धइगु ऐतिहासिक भूगोलया नां ख: ।

थ्व हे दथुइ पशुपति प्रदेश, नारायणी प्रदेश, वागमती प्रदेश, स्वयम्भु प्रदेश, मञ्जुश्री प्रदेश नां तयेमा: धका: तर्क तर्क तयाच्वंगु दु । खस आर्यतय्सं जक मखु नेवा:तय्सं तकं थुकिइ बहस यानाच्वंगु दु । पशुपतिनाथया देग: दुगुलिं पशुपति प्रदेश धायेमा:गु, थुगु प्रदेशया दक्ले त:धंगु खुसी नारायणी जुगुलिं नारायणी प्रदेश धायेमा:गु, वागमती सभ्यता विकास जूगुलिं वागमती प्रदेश धायेमा:गु, स्वयम्भुनाथ दुगुलिं स्वयम्भु प्रदेश धायेमा:गु, स्वनिग:या ल: पिछवयेगु ज्या या:गुलिं मञ्जुश्री प्रदेश धायेमा: धका: तर्क तयेगु यानाच्वंगु दु ।

थ्व धइगु भुगोल, धर्म, खुसी लगायतया नां स्वना नेवा: पहिचानयात

प्राथमिकता मतसे नां तयेमा: धाईपिनिगु तर्क ख: । थौंया इलय् ३ नम्बर प्रदेशया नां छु तयेमा: धका: सुना गुगु कथं धयाच्वन इमिसं थ:थ:गु चेतना स्तर कथं अले राजनीतिक पार्टी व नेतातय्गु प्रभावया आधारय् धयाच्वंगु खने दु । वास्तवय् नेपालय् संघीयता हयेमा:गु धइगु खुसिया नितिं मखु, धर्मया नितिं नं मखु अले भूगोलया नितिं नं मखु । थनचर्चपिं उत्पीडित समुदायायात न्हय:ने यंकेगु नितिं, मधेसी, आदिवासी जनजातितय्गु अधिकार स्थापित यायेगु नितिं हे ख: ।

थौं नां वा प्रदेशया मुख्यमन्त्रीया बारे गुगु कथं नेवा: समाज दुने बहस जुयाच्वन अले टिप्पणी यायेगु ज्या जुयाच्वन वास्तवय् थ्व छगू कथंया तत्कालिन विषय जक ख: । दीर्घकालिन रुपं स्वयेगु ख:सा मूल विषय ला संविधान हे ख: ।

संविधानं खस आर्ययात पहिलो दर्जाया नागरिक दयेकूगु अले आदिवासी जनजातियात दोस्रो दर्जाया नागरिक दयेकूगुलिं हे ख: ।

खस आर्यया परिभाषा हे संविधानय् दुगु अले आदिवासी जनजातिया परिभाषा आ: ऐनं यायेमालीगु अवस्था व्वलंगु दु ।

देय्या मूल कानुन धइगु संविधान ख: अले व हे संविधान अन्तर्गत दयेकीगु क्वय्यागु कानुन धइगु ऐन ख: । आ: आदिवासी जनजाति दुने नेवा:त नं ला: धका: परिभाषा यायेगु ज्या ऐनं याइ ।

उकिं थौंया इलय् तत्कालया विषययात कया बहस यायेगु ज्या जक मखु दीर्घकाल कथं वनेगु नितिं पहिचानया मुद्दायात थुइकेगु, भ्रमय् लानाचर्चपिं नेवा:तय्गु भ्रमं मुक्त यायेगु, दलया नेतातपाखें आशा याना नेवा: नुग: त्व:ता: वनाचर्चपिन्त नेवा: नुग: व्वलंके विइगु नाप नाप थ:पिनिगु हक अधिकारया नितिं थुइकेगु अभियान न्हयाकेमा:गु अवस्था दु । अधिकारया नितिं मा:गु कथंया संघर्ष यायेगु नितिं वातावरण तयार यायेमा:गु अवस्था दु ।



## नेवा: बुखँ

### न्हापांगु मिडिया फेस्टिभलया समापन



ज्वजलपा वा:पौ /

नेवा: पत्रकार राष्ट्रिय दबूलिं शनिवा: वाङमय शताब्दी पुरुष संस्कृतिविद् लिसें न्हापांम्ह समावेशी पत्रकार डा. सत्यमोहन जोशीया छें यलया बखुबहालय 'न्हापांगु मिडिया फेस्टिभल ११३८' समापन ज्याभव: या:गु दु । नेवा: पत्रकार राष्ट्रिय दबूया ग्वसालय वंगु पुष २२ गते यल लायकूया भण्डार क्यवय जूगु 'न्हापांगु मिडिया फेस्टिभल ११३८' या ज्याभव:या कजि, ल्युकजि, सचिवालयया दुज:पिं, सहजिकरण पुच:या दुज:पिं, थीथी कव:या कजिपिं नापं थी थी कथं ग्वाहालि यापिन्त सुभाय पौ वाङमय शताब्दी पुरुष संस्कृतिविद् समावेशी डा.सत्यमोहन जोशी ल: ल्हानादीगु ख:सा दबूया नाय: श्रीकृष्ण महर्जन खादा न्यकादीगु नाप दबूया सल्लाहकार बरिष्ठ सिने पत्रकार बिजयरत्न असंवरे मतिनाया चिं ल:ल्हानादीगु ख: । मूपाहाँ सत्यमोहन जोशी नेवा: पत्रकार राष्ट्रिय दबूलिं पत्रकारिता ख्य:यात न्हय:ने यंकेत नापं नेवा: साहित्ययात अन्तर्राष्ट्रिय क्षेत्रतक थ्यंकेत ग्वाहालि यायेमा:गु धयादिल । 'न्हापांगु मिडिया फेस्टिभल ११३८'या कजि सुरेन्द्रभक्त श्रेष्ठ व ल्यु कजि राजेश बज्राचार्य नं फेस्टिभलया थ:थ:गु नुंग: खँ तयादीगु ख: । दबूया नाय: श्रीकृष्ण महर्जनया सभाधक्ष्य जुगु उगु ज्याभवलय मूछ्याञ्जे सुनिल महर्जन लसकुस यानादीगु ख: ।

## किपूया बुखँ

### जेसिआई किपूया पदस्थापन



ज्वजलपा वा:पौ /

सामाजिक सेवा व नेतृत्वदायी भूमिका म्हितेगु निंति पलिस्था यानात:गु जेसिआई किपूया नीक्व:गु (२०औं) पदस्थापना वंगु विहिवा: किपुली जुल ।

किपूया हिलसाइड होटेलय जेसिआई किपूया पुलांम्ह नाय: हर्षमान महर्जनया सभानायोसुइ जूगु उगु ज्याभव:या मूपाहाँ पुर्व मन्त्री एवं सांसद राजन के.सी. विशेष पाहाँपिं प्रदेश सभा सदस्य पुकार महर्जन, किपू नगरपालिकाया मेयर रमेश महर्जन नापं सन् २०१४ या राष्ट्रिय अध्यक्ष सुशिल बाबु श्रेष्ठ भायादीगु ख: । मूपाहाँ राजन के.सीं त्वारवालय मत च्याका ज्याभव:या उलेज्या यानादीगु ख: ।

किपू जेसिसया पुलांम्ह अध्यक्ष सुरेन्द्र महर्जन लसकुस न्वचु वियादीगु ख:सा पुलांम्ह केन्द्रिय उपाध्यक्ष विकास महर्जन पदाधिकारीपनिगु म्हासिका न्ह्यव्यादीगु ख: । सन् २०१७ या सभापति देवेन्द्र राज सिंह सन् २०१८या न्हूम्ह सभापति नरेन्द्र महर्जनयात शपथ नकूगु ख:सा नरेन्द्र महर्जन न्हूपिं पदाधिकारीपिन्त शपथ नकूगु ख: ।

सन् २०१८ या ज्यासना पुच: थुकथं दु । १.प्रेसिडेन्ट नरेन्द्र महर्जन, २.आईपिपि देवेन्द्र महर्जन, ३.जिएलसी रविन्द्र महर्जन, ४.एसजि किरण थापा, ५.ट्रेजरर विनेश ढकाल ६.ईभिपि नरोन्द्र सिंह, ७.ईभिपि सजिव शाह ८.भिपि सचिन महर्जन ९.भिपि दिपेश महर्जन, १०.भिपि रमित महर्जन ११.भिपि प्रविन महर्जन १२.ज्वाइन्ट ट्रेजरर विकल महर्जन १३.ट्रेनिंग कोअर्डिनेटर धिरेन्द्र नाथ, १४.हेल्थ कोअर्डिनेटर सरोज महर्जन १५. थिम डाइरेक्टर प्रकाश मुडभरी १६. एलओएम इडिटर रसिल महर्जन, १७. पिआरओ सुमित्रा पन्थ च्वनादीगु ख: ।

## रामकृष्ण दुवालया एकल सांगितिक सनिल



सांस्कृतिक संस्थान व नेपालभाषा संगीत यात्रा एकल साँभ कथं मंका खल:या मंका ग्वसालय जनगायक जुइगु उगु सांगितिक सनिलय कथं नांजाम्ह रामकृष्ण दुवाल एकल रामकृष्ण दुवाल नेवा: परम्परागत सांगितिक सनिल जुइगु जूगु दु । लोक म्ये सिसाया हेगु या नापनापं

छगु दर्जन मल्याक्क म्ये न्ह्यव्वइगु खँ पत्रकार मुंज्याय जानकारी ब्यूगु दु । पत्रकार मुंज्याय ब्यूगु जानकारी कथं जनगायक रामकृष्ण दुवालयात नांजाम्ह संगीतक:मि रामेश नं साथ वीगु जूगु दुसा: छगु ईलय रामकृष्ण दुवाल व रामेशयात लालजोडीया रुपय कयात:गु खँ नं रामकृष्ण दुवाल न्ह्यथनादिल । रामकृष्ण दुवालया संगीत यात्रा एकल साँभय रामेश व रामकृष्ण दुवाल जाना गांगामं दँ (गाउँगाउँबाट उठ बस्तीबस्तीबाट उठ) म्ये न्ह्यव्वय्यंगु दु ।

## ‘न:लि’नातिबज्र विशेष ल्या: पिदन



ज्वजलपा वा:पौ /

इलोहं प्रकाशनया पिथना व न:लि साहित्यिक लय्पौया छगु ज्याभव:या दथुइ नेपालभाषाया नां जाम्ह साहित्यकार नातिबज्र बज्राचार्यया साहित्य च्वसु थुथ्यागु न:लि साहित्यिक लय्पौया नातिबज्र विशेष ल्या: पित व्वज्या या:गु दु । यँया भोताहिति दगुबहालय जुगु ज्याभवलय साहित्यकार मथुरा सायमि मूपाहाँ जुयादिगु ख: । ज्याभवलय आपालं नेपालभाषाया थीथी विधायी साहित्यकारपिं उपस्थिति जुगु ख: । मू पाहाँ सायमि साहित्यकार नातिबज्र बज्राचार्यया सम्मान नं या:गु ख: । इलोहं प्रकाशनया दर्शनवीर शाक्य लसकुश यानादिगु ख:सा शशीकला मानन्धर न्ह्याकादिगु ख: । ज्याभव:या सभापतित्व नरेशवीर शाक्य यानादिगु ख: ।

## प्रतिभा साहित्यया चिनाखँ मुंज्या



ज्वजलपा वा:पौ /

प्रतिभा साहित्य परिवारं नेवा: जाति भाषा साहित्य ख्यलय जीवन पानादीम्ह भाषानिभा: प्रेम वहादुर कसा:या लुमन्तिइ चिल्लाख पारु (फागुन ४ गते) अमल्सि च्वंगु तुयु लुमन्ति दबुलिइ चिनाखँ मुंज्या या:गु दु ।

प्रतिभा साहित्य परिवारया नाय: ज्ञानवहादुर महर्जनया नायोसुइ जूगु उगु ज्याभव:या मूपाहाँ मदन सेन बज्राचार्य जुयादीगु ख: ।

उगु ज्याभवलय राजभाइ जक:मिं प्रेमवहादुर कसा:या बारे च्वयादीगु चिनाखँ न्यंका: दीगु ख: । प्रेम वहादुर कसा:या छम्ह चेला राजा शाक्यं प्रेम वहादुर कसा:या जीवनी व ज्याखँया बारे दुग्यंक कुलादीगु ख: । अथेहे विराट नेपालभाषा साहित्य गुथिया नाय: कृष्णभक्त बोडे, पवित्र कसा:पिन्सं नं थ:थ:गु चिनाखँ न्यंका:दीगु ख: । मोक्षवहादुर अमात्य, विमल ताम्राकार, इन्द्रमान महर्जन व रामेश्वर जलन किपू पिनेयापिं कविपिन्सं नं चिनाखँ न्यंका:दीगु ख: । भरत महर्जन गजल न्यंका: दीगु ख:सा । ज्ञानवहादुर महर्जन नेवा: नं हाइकू न्यंका:दीगु ख:सा । सुवर्ण महर्जन, हिरा ज्ञान, रामभक्त रमभम, अर्जुन महर्जन लगायतयापिन्सं थ:थ:गु चिनाखँ न्यंका: दीगु ख: ।



## नेपाःया पत्रकारिता खलय् नेवाः पत्रकारपिनिगु योगदान

### सुरेश किरण मानन्धर

नेपालभाषा पत्रकार  
तायात छगू न्हूगु गति वीगु  
ज्याय् पत्रकार अशोक  
श्रेष्ठया ज्वः मदगु योगदान  
दु । वय्कः पूल्चोक  
क्याम्पसय् इन्जिनीयरिङ्ग व्वं  
वनेगु भवलय् हे मचायेक  
पत्रकारिताय् प्रवेश जुयादीगु  
खः ।

इन्जिनीयरिङ्ग क्याम्पसया  
नेवाः विद्यार्थीतय्सं पिकाःगु  
'मन्दः' दंपौया छम्ह  
संस्थापक मध्ये छम्ह वय्कः  
नं खः । उगु दंपौ छापे  
यायेत येंया असं बालकुमारीइ  
च्वंगु पदमरत्न तुलाधरया  
प्रेसय् व्वं हे वय्कःयाके  
पत्रकार जुइगु न्हापांगु प्रेरणा  
जागृत जूगु खः ।

## पत्रकार अशोक श्रेष्ठ

उगु हे इलय् वय्कलं  
'सागर' नांगु वा:पौ पिकायेगु  
शुरु यानादिल । 'सागर' वा:पौ  
खःसां थ्व वालय् निक्कः पिहां  
वइ ।

पञ्चायतकालय् व्यवस्था  
विरोधी समाचार व विचार  
प्रकाशन यात धकाः प्रशासनं  
'सागर' यात प्रतिबन्ध तःगु  
जक मखु उकिया प्रकाशक  
सम्पादक अशोक श्रेष्ठ विरुद्ध  
वारन्ट समेत जारी यायेवं  
वय्कः भूमिगत जुयादिल ।  
उगु भूमिगत इलय् वय्कः  
ओखलढुंगाय् शिक्षक जुयाः  
ज्या याना च्वनादीगु

जुयाच्वन । छुं ई लिपा लिहां  
वयाः वय्कः 'नेपालभाषा  
पत्रिका' न्हिपौलिसे आवद्ध  
जुयादिल । वयां लिपा 'इनाप'  
वा:पती ज्या शुरु यानादिल ।  
'इनाप' वा:पती वय्कलं  
आपालं आपराधिक समाचार  
च्वयाः प्रशंसा कमे यानादिल ।  
इनापय् वय्कलं अशोक  
श्रेष्ठ, अश्रे, चञ्चल उदास,  
ए. गलू आदि थीथी छद्म  
नामं नं च्वयेगु यानादी ।  
'इनाप' य् ज्या यायां हे  
वय्कलं वि.सं. २०४५ सालय्  
'विश्वभूमि' न्हिपौ शुरु  
यानादिल ।

सम्पादक अशोक श्रेष्ठ विरुद्ध वारन्ट  
समेत जारी यायेवं वय्कः भूमिगत  
जुयादिल । उगु भूमिगत इलय् वय्कः  
ओखलढुंगाय् शिक्षक जुयाः ज्या याना  
च्वनादीगु जुयाच्वन ।

२०४६ सालया  
जनआन्दोलन ताकाय्  
'विश्वभूमि' चर्चाया च्वकाय् हे  
थ्यन ।  
वयां स्वर्दं लिपा वय्कलं  
'विश्वभूमि' त्वःताः 'न्हूगु  
विश्वभूमि' शुरु यानादिल ।  
थुकिा प्रकाशन बन्द जुइवं  
वय्कलं खस नेपाली भाय्या  
न्हिपौ 'स्पेश टाइम दैनिक' य्  
ज्या यानादिल । लिपा व नं  
त्वःताः 'अन्नपूर्ण पोष्ट' य् ज्या

यानादिल । 'अन्नपूर्ण पोष्ट' य्  
वय्कलं हे पिने पिने जिल्लाया  
लागिं अग्रिम प्रकाशन यानाः  
सुथ न्हापां पत्रिका थ्यंकेगु  
ज्याया आरम्भ यानादीगु खः  
गुगु लिपा वनाः मेमेगु फुक्क  
हे पत्रिकातय्सं अनुकरण याना  
हल ।  
पत्रकारिताय् वय्कःया  
विशेषता छु धायेबलय् वय्कलं  
थ्व खलय् आपालं न्हूपिं  
पत्रकारतय्त नं दुत हयादिल ।



थौकन्हय् नेपालभाषाय्  
सक्रिय जुयाचर्चपिं पत्रकारत  
सुरेश मानन्धर, सुजीव  
वज्राचार्य, कुमार रंजित  
आदिपिं वय्कःपाखें  
प्रशिक्षितपिं खः । छगू इलय्  
वय्कः नेपाल पत्रकार  
महासंघ यें जिल्लाया  
सभापति नं जुयादिल ।  
भाजु श्रेष्ठ वि.सं....स  
...दँया वैसय् मत्यवं हे मंत ।  
०००



## किपूया पत्रकार नवीन महर्जनया म्हासिका

कीर्तिपुर सन्देश साप्ताहिक पिदसानिसें वय्कलं खेलकुद स्तम्भ न्यादं  
तक मदिकक न्ह्याका दिल । वय्कःया कासा ख्यः सम्बन्धि च्वसु  
ज्यापु महागुथिया ज्यापु पौ पत्रिका व मेमेगु थी थी पत्रिकाय् नं  
पिदंगु खः । वय्कलं ज्ञान पत्रकारिता पुरस्कार नं त्याकादी धुंकूगु  
दु । नेवाः पत्रकार राष्ट्रिय दबू नीस्वंगु इलय् वय्कःनं सक्रिय  
जुयादिल । वय्कः यें जिल्लाया कार्यकारिणी सदस्य तकं जुयादीगु दु ।

जुया ज्या यानादिल । वय्कः  
मात्र स्कूलया शिक्षक जक  
मखु, स्कूल इन्चार्ज व  
व्यवस्थापन पक्ष नं स्वयादीम्ह  
खः । वय्कलं नेपालभाषा  
एकेडेमी न्ह्याकाचंगु नेवाः  
एफ.एम. १०६.६ लय्  
पारिश्रमिक हे मकाःसे ज्याभवः  
न्ह्याकामी जुया ज्या  
यानादिल । २०७२ सालं  
तःभुखाय् ब्याः एफ.एम.  
बन्द जुल । एफ.एम. हानं  
संचालन यायेगु निंति जूगु  
सहलह मूज्याय् वय्कलं  
न्हापायें हे ज्याभवः न्ह्याकेगु  
जिम्मा कायेगु बचं बियाःदीगु  
खः ।

वय्कः छम्ह खेलकुद  
पत्रकार कथं नं म्हासिका दुम्ह  
खः । किपुलीं पिदनाच्वंगु  
कीर्तिपुर सन्देश साप्ताहिक  
पिदसानिसें वय्कलं खेलकुद  
स्तम्भ न्यादं तक मदिकक  
न्ह्याका दिल । वय्कःया कासा  
ख्यः सम्बन्धि च्वसु ज्यापु  
महागुथिया ज्यापु पौ पत्रिका व  
मेमेगु थी थी पत्रिकाय् नं  
पिदंगु खः । वय्कलं ज्ञान

पत्रकारिता पुरस्कार नं  
त्याकादी धुंकूगु दु । नेवाः  
पत्रकार राष्ट्रिय दबू नीस्वंगु  
इलय् वय्कःनं सक्रिय  
जुयादिल । वय्कः यें जिल्लाया  
कार्यकारिणी सदस्य तकं  
जुयादीगु दु ।  
आकाभाकां २०७४  
असार ४ गते वय्कःया म्हासुख  
मन्त । वय्कःयात अस्पताल  
भर्ना यात । वय्कःयात ब्रेन  
हेमरेज जूगु जुयाच्वन ।  
अस्पतालय् वासः याकुयाकुं हे  
९ गते वय्कलं थ्व संसार  
त्वःता भाल । वय्कःया तिरि  
मय्जु, छम्ह काय व छम्ह  
म्ह्याय् दु ।

नेवाः पत्रकार राष्ट्रिय  
दबूया यें जिल्लाया दुजः जुया  
नं सक्रिय जुयादीम्ह वय्कः  
पत्रकारिता खलय् नं तसकं  
उक्रिय नापं न्हथनेबहःगु ज्या  
यानादीम्ह खः ।

सांगितिक ख्यः, शिक्षण  
पेशा नाप नाप पत्रकारिता  
ख्यःयात नं ज्वना  
वनाच्वनादीम्ह वय्कः नविन  
महर्जन राजनीतिक रुपं नं

सचेतम्ह व्यक्तित्व खः । नेवाः  
पहिचानया सवालय् नं स्पष्ट  
दृष्टिकोण दुम्ह वय्कः नविन  
महर्जन सामाजिक खलय् नं  
उलिहे हे सक्रिय जुयादीम्ह  
खः । नविन महर्जन किपुलिइ  
कासा ख्यःया विकासया निंति  
नेतृत्वदायी भूमिका म्हिता  
कीर्तिपुर सामुदायी खेलकुद  
विकास समाजया मूछ्याञ्जे  
जुया नं जीवनया अन्तिम  
इलय् नं सक्रिय जुयादीम्ह  
खः ।

किपूया न्हूवजाः लागाया  
गेट लिक्क च्वंगु खेलकुद  
मैदानयात आःया अवस्थाय्  
हयेगु निंति तसकं उक्रिय  
जुया भूमिका म्हितादीगु खः ।

दँय् दसं किपुलिइ चैत्र  
२० गते शहिद दिवसया  
भूवलय् थीथी खेलकुदया  
किपाः तकं तया पात्रो  
पिकायेगु ज्या नं याना  
वयाच्वनादीम्ह खःसा वय्कः  
नविन महर्जनया हे  
सक्रियताय् सामाज्य मेमेगु  
थीथी कथंया गतिविधि नं  
न्ह्यानाच्वंगु खः ।

### नजरराम महर्जन

किपूया बाकुनी त्वालय्  
वि.सं. २०२५ सालं अबु हर्ष  
नारायण महर्जन व मां  
अष्टमाया महर्जनया  
च्याम्हम्ह सन्तानया रुपय  
जन्म जुयादीम्ह खः नवीन  
महर्जन ।

वय्कःया प्यम्ह तता व  
स्वम्ह दाजु दु । वय्कः  
मचावलय् हे अबु मदय्का  
च्वनेमाःगु खः । अयसां  
वय्कलं आखः ब्वनेगु  
त्वःतामदी । वय्कःया  
माध्यमिक शिक्षा किपुली हे

जूसां वय्कःया कलेज शिक्षा  
महेन्द्र रत्न क्याम्पस  
ताहाचलय जुल ।  
वय्कः छम्ह जिम्न्यास्टिक  
जूगुलिं क्याम्पस वनेगु निंति  
वय्कः किपुलीनिसें न्यासिहे  
वनेगु यानादी । वय्कःया ब्वाँय  
वनेगु, प्याखँ ल्हुइगु तसकं  
यःम्ह खः ।

मर्चानिसें हे मादल  
थायसःम्ह, तःधिकः जुयावःबले  
तबला, हारमोनियम सकतां  
थाय्सल । स्टेज प्रोग्रामतकं  
यायेगु यानादीगु दु । इन्द्रेणी  
सांस्कृतिक समाजया

स्थापनाकालनिसें हे वय्कः  
सक्रिय कलाकार खः ।  
ज्ञानमाला भजन हालेगु  
निसें थीथी थासय् वनां  
व्यक्तिकाः वनेगु नं यानां दी ।  
वय्कलं थःम्ह हे म्ये चिना,  
लय् तयाःतःगु यक्व स्वचा  
म्येचाः पिदने धुंकूगु दु । सुगम  
संगीत पुचः नीस्वनां वय्कलं  
सुगम संगीतया प्रचार प्रसार  
यायेगुली तिवः बियादिल ।  
थौतकं उगु पुचलं ईलय् ब्यलय्  
संगीत न्ह्यब्वयेगु ज्याभवः  
यानाच्वंगु दु । वय्कः उज्ज्वल  
शिश्नु निकेतन स्कूलया शिक्षक

# साहित्य उपन्यास– भृकुटी

स्व.धर्मरत्न यमि

**स्व.धर्मरत्न यमिया निगूगु उपन्यास भृकुटी ने.सं. १०८० सं च्वसापासा पाखें पिदंगु खः । उगु इलय्या सर्वश्रेष्ठ सिरपा “श्रेष्ठ सिरपा” कायेत नं ताःलाःगु उपन्यास खः भृकुटी । थ्व उपन्यासया निगूगु संस्करण ने.सं.१०८३ व स्वंगूगु संस्करण ने.सं.१०९३ लय् पिदंगु खः । थुगु उपन्यास थौकन्हय् बजारय् न्यायेगु मदयधुंकल । पाठक पिनिगु इनाप कथं थ्व उपन्यास छसिकथं पिथनेगु कुतः यानागु खः – सम्पादक**

## भृकुटी-४

“थ्वयाके जातयागु अभिमान ला मर्तिन, थ्वयाक्य मांया मतिना दना वयाच्वन ।” धकाः जुजुं महारानीया छयले उसि उसि यायां नाइक धाल-तिमिला ल्यू ल्यू खिमिला, खिमिला ल्यू ल्यू तिमिला, दुःखया ल्यू ल्यू सुख, सुखया ल्यू ल्यू दुःख, खिमिला मदुसा तिमिलाया मूल्य मदु, तिमिला मदुसा खिमिलाया मूल्य मदु, सुखया मूल्य दुःख दयाः हे जक दुगु खः । थ्व हितुहिला च्वनिगु संसारया नियम खः, धर्म खः । मनु संसारया छव्व ब्वति खः भृकुटी नं व हे संसारया छव्व ब्वति खः । वं लाय्कूया सुख खन, सुखया पुखुली लाल नं काय्माक्व काय् धुंकल । आः वं दुःख नं स्वयमाः, दुःख नं सियमाः । मखुसा व मनु ज्जी मखु । मनु सुख सियत जक मखु, दुःख सियत नं जन्म जूगु खः । सु दुःख ग्यानाः लिफः स्वे व ग्याफर खः ।” जुजु महारानी यात खँ न्यकु न्यकुं घन ।, महारानी नं अथें न्ह्यो वय्कल ।

### खुगू

नादंम्ह प्याखंमो पल्पसां ध्याचू नकु नकुं भृकुटीयात सँ थुका च्वन । पतासी गुजि वैपिसं गुजि वंयाच्वन । नौनीनं लुसिधेंके सिधयकाः अलः तयका च्वन । लाय्कूया छम्ह प्याखंमोनं ज्वला न्हाय्कं क्याना च्वन ।

खं खँ प्यहाँ ववं पल्पसां धाल- “गोन्हु हे दनि धकाः अलेला जिमिसं छलपोलयागु ख्वाः छको जक हे नं स्वय्दे मखुगु ज्जी धुंकल ।”

“न्ह्यासा, पल्पसा तता ! छ छम्ह नं ब्वना यंक्यगुली लाका व्छय् ।” धकाः भृकुटीं धाल ।

“यँ जक यंकूसा छाय् मवय् !” धकाः वं धाल ।

“समाय् क्वमचानिगु ला ?” धाधां महारानी द्रहाँ वल ।

“क्वचाल नु माँ ?” धकाः भृकुटी दना वन । सिजः त्यप, खासि, धंप, बाता, अय्लाःकाय् वाता, फोसि, क्यँसि, जासि, देमा, त्वादेवा, देवा, सुकुंदा, ताँफ, घः, घःचा, क्वतः ज्वलं इत्यादि वसजाः तःजो, व पिला, पिलाचा, कपिद्याहाँ, जं, तीमा,

सुखू पुईसुखू कुई, त्वाकः आदि, क्वस ज्वलं तःज्वलं मछि तैतःथाय् भृकुटीयात महारानीं क्यने यंकल । अज्याःथाय् लाक्क जुजु मन्त्रीपिं व महानायोपिं ल्यू ल्यू तयाः थ्यंकः वल । बौम्ह जक खन्यवं भृकुटीं धाल- “थ्व ब्याक्क सामान जिगु लागी यक्वं गाःजू । तर जितः मगाःगु नं अवसर माफ जूसा धाय, धकाः हानं धाल- महाराज अशोकया म्हायचं सिंहलद्वीपे धर्म विजय यायत गृह त्यागयानाः वंगु खँ दुगु सफू जिं उखुनु स्वया, उकिं जितः तच्चकं प्रभावित यात । जि नं तःधंगु संदेशे भीगु सांस्कृतिक विजय याय मासिति वयाच्वंगु दु, थपिं क्वसःत नापं मेमेगु क्वसःनं माला च्वन । उकिं इयाम्ह सिकःमि, इयाम्ह दँकःमि, इयाम्ह नँकःमि, इयाम्ह लंकःमि, इयाम्ह तंबः, निम्ह ल्वहँकःमि, इयाम्ह पुङ, निम्ह सुज्यामि, निम्ह हिज्यामि, वरेजु वा भिक्षु इयाम्ह, गुभाजु वा आचार्य इयाम्ह व भीी थःगु हे धुकुटी च्वंम्ह शाक्यमुनियागु लुंया मूर्ति छम्ह व त्रिपिटक गंथ, काव्य, महाकाव्य, नाटक व तांत्रिक ग्रंथ नं जितः क्वसःयागु रुपे माः । अँ, लो हे मन, नृत्य व कलाया लागीं प्याखंमोत, गुंलाबाजं, नाय्खिं, खि पछिमा, धाः, धिमे, नगरा, बय्, बासुरी, म्वाहाली, भुम्या, ख्वालिमाली, ताः, आदि बाजं ज्वलं नं माः ।” जुजुं म्हाचं धाःगु जुक वियगु वचन विल ।

प्याखंमो यंक्यगुली भृकुटी “प्याखंमो मध्ये पल्पसा छम्हला मदय्क हे मज्यू ।” धकाः जुजुयात धाल ।

“पल्पसा जकला छु ! छंयःम्ह यँकि मै !” धका जुजुं लिसः विल । भृकुटी लय्तातां पल्पसाया थासे वन । “पल्पसा तता ! पल्पसा तता !! छ जि नाप हे यंक्यगु कोजित खंला ।” धकाः न्यंकल ।

“धाथ्यं खःला ?” धकाः पल्पसा नं न्यासि चाचां दना वल । निम्हं प्याखंपाः काय्थ्यं धुंकाकां क्यवे वन । निम्हं वुँ क्खेच्वंगु व सिमाया क्वसं च्वंगु दुरुल्वहँया फःचाय् फ्यतुत । न्ह्योनेसं भोरत्याया वुँई भंवःत रसं काय्का भुई भुई हाला च्वंगु

सलं भृकुटीयात छुयाय् छुयाय् यात, पल्पसायात बाथाक्क थन । पल्पसां वुँ छकचा तोथुल । भृकुटी उकियात कयाः वयागु छयले छुका विल । वियत्योंगु निभाः जलं अमित कल । सहयाय मफयाः अनं दनाः ओंगल सिमाया क्वसं फ्यतु वन । ओंगलसिमा हःया च्वाकं वाय् कुत्तु कुकुं पल्पसां भृकुटीयात मछिंक लय्ता वया च्वंगु नुगले भन थुंक खँ थ्वकु थ्वकुं धाल “कन्हे ला काः वैगु जुय् धुंकल, चच्छि हे मखाः थनया भीी पाहाँ ! थौंया चच्छि ला लानीमै छलपोलयात दच्छिया सिवेनं ताहाः ज्वीनि !”

पल्पसाया खं मांबौनाप ज्वीगु ब्यागया विरह व म्हमस्यूसां वयाच्वंम्ह जीवनपासा नाप क्हेने इयाम्ह दैगु लय्तायात छत्युं थना विल । गुगुलिं यानाः नुगल लयता फय् मफुत, लय्ता ख्वि मिखां भय् विया प्यहाँ वल । गुगुयात न्यतालं लसकसयात । न्यतालं फय् मफुगु खन्य व पल्पसां थःगु गाच्चतं फया काल । अले भृकुटीं चाल, मिखा फुतिफुति यायां प्यखेरं स्वत । पल्पसायात “नुँ तता !” धका धाल ।

व्यले धुंकाः नो ह्रुं देकुथी मचाय्क हे भृकुटी व्दहाँ वन । प्यकुने प्यप्पाः च्याका तःगु त्वाद्यवा च्याना च्वन । इताया अंगले मिखा व्वलं थँवहीया पहमां सिंहसारथवाहु ल्हासाय वने ज्याः वंवलेयागु च्वैतःगु भोलाक पौभाः खन । गुगु स्वस्वं यंकुगु वखते सिंहसारथवाहुया बंजाःत श्यामकर्ण ब्वसलया म्हं कोकाकां लसितस्यं स्यानाः स्यानाः नया च्वंगु पौभाः खन । गुकिंयानाः भृकुटीयात भचा ख्यात । तर, महान् अशोकया म्हाय् संघमित्रां धर्म विजय याःवंगु देशयात नं ला थ्व पुराण पंथी नातिकृति धर्मयात मोयाइपिसं राक्षस अर्थात् लाखे लसिया देश “लंका” धकाः ग्यानापुकाः तःगु ला खःनि धकाः नुगः बल्लाकल । नुगः बल्लाना वःलिसे थःगु संकल्प सेल्लाना वल । संकल्प सेल्लाना वःलिसे सम्यक् संकल्पया अबुजु शाक्यसिंह बुद्धया धर्म पत्याः भन भन वृद्धि

जुया वल । धर्म पत्याः जुया वःलिसे कर्मया लँ खने दै वल । लँ खलिसे ग्यानापु धयागु तना वन । नुगले न्ह्याइपु व यैपु प्याखं हुईकु हुईकुं व घों वन ।

सँमिया लँमि व नेपाःमिया लँमि नाप छलफल यानाः जुजु अंशुवर्मा नेपालया राजधानी येँ खते तयाः नेपाः पहलं जात्रा यानाः लानीमै भृकुटीयात खास्ति तक यंकाः वियगु, अनं निसं सँमि पहलं अमिसं यंकैगु ज्याखँ हे कोजिकल । लाय्कूया दुजः पिजः ब्याक्कं कन्हे याय मानिगु ज्याखँ लुमंकाः द्यवन । गुम्हेस्यां चच्छिं छन्ह्यो गुम्हेस्यां चच्छिं मिखा ज्वलहँ जुया चा फुत ।

### न्हय्गू

ई भंगलं ई कन । ई भंगःया उजं न्यन्यं भौमचातसें वसिबँ पुना हल । लाय्कूली इगःमिगः जुजुं वल । लँ तुयु लिसे त्वाःत्वाः पतिकं यचु, पिचु जक मखु, भःभः नं धाय्का हल । लाय्कू दबुली छाय्पे फक्को छाय्पा तःगु लुंखतं भन जिगि जिगि धायकाः हया च्वन ।

जनवहाद्यो रथे तय् यंकैबले थ्यें ज्याःगु खते भृकुटीयात छाय्प्य फक्को छाय्पाः तय् हल । इयाम्ह नागं कुइका तःगु आसन दुगु लँखते भृकुटी फ्यतुकाः हलेगो मलेगो थक्याः तःगु लनं फिनाः थपाय् थपाय् घंगाः ज्वीक जनिखं चिना च्वपिं च्याम्ह ज्यापुमित कोबुय्त पाय्छि जुया च्वन । क्वसः ज्वलं नापं देशे दक्के बांलाम्ह शाक्यसिंह बुद्धया खः नाप जुज अंशुवर्मा जक लाय्कूली प्यहाँ वय्व भृकुटी लानीमै यागु खः नं क्वबुयाः लाय्कूली उत्तर पूर्वया दिशा पाखेर न्ह्याकल । न्हापालाक धिमे, गार्इनाई, गुंलाबाजं, नाय्खीं, पछिमा, धा, कौंचाखिं, पञ्चबाजं, पिवाङ थाथां उकिया ताले लोकगीत हालीपिं बासुरी, वय्, म्वालि पुइपिं न्ह्यात । अले शाक्यसिंह बुद्धया खः अनलिं भृकुटी लानीमैयागु खः लिपा जुजु अंशुवर्मा ल्यू ल्यू बाछाई बाजाया सुरे सेनापति, सेनात देश व विदेशया गण्य मान्यपिं न्ह्यात, “आः फुत” धका सूचना व्युव्युं पय्ताः खलः नं न्ह्यात । मखंत्वालं निस्यं कौत्वाः तक जवं खवंया सँभ्याः, गाभ्याः पतिकं नुगःपा बच्छि बच्छि पिकयाः ख्वालं हिसिया गाकु गाकुं छयले छुनातःगु लुँया स्वाने च्वपिं लापात व भंगःतसें नं क्वात्तु क्वाकु क्वाकु ल्हाते न्ह्यानातःगु लुँ, वहः भुइया चुल्याया सलं नं संगीत न्यंकुं न्यंकुं सिमातसें थःदेशया लानीमै भृकुटी नाप बयाहा ज्वी माःगु विरहं आकुल ब्याकुल ज्वीकाः न्या थें चंचं

धाःगु मिखां ख्वि हायके हायकुं ल्हाते म्हासचिना तःगु ताय्, स्वां, अबीर व फिफुलिं भृकुटीयागु खते व्छाकाः हल । म्हुतुं “लानीमै भृकुटीयात लँ छुं घाःपाः व ल्वे ख्ये मज्वीमा !” धकाः आशिका याना हल । गुगु सः न्यनाः गुगु जात्राया बाजं न्यनाः तवःपिनिगु गुगु सः न्यनाः गुगु जात्राया बाजं न्यनाः तःवःपिनिगु गुगु ख्याः स्वयाः भृकुटीयात तययंकुगु थ्व दृश्यं विरहया नं जात्रा दैला ? धाःसां थ्व यात ‘विरह(जात्रा” धाय लोय्कल । भृकुटी तययंकुगु थ्व विरह(जात्रा नंसाले जक थ्यनेव जुजु अंशुवर्मा सहित तःवःपिं देश विदेशया नांदपिं गण्य मान्य ब्याक्क ल्यहाँ वन । अंशुवर्मा जुजुं भृकुटीया छयले ल्हातं पित्तु पीकाः म्हुतुसि जक थः थः जुईक्यगु सिवाय् छुं धाय नं मफु । तर, शाक्यसिंह बुद्धया पाली थ्यंकाः जक “जिम्ह म्हाय् भृकुटी छलपोलया थ्व पाली छायाः बिया हैगु दु, छलपोलया महाकरुणाया अनुकं पां जिम्ह्याय्पात रक्षा याय्माल !” धकाः धाय्फत । भृकुटीं बौ नापं सकलसितं ल्हाः ज्वज्वलपाः बिदा नं विल बिदा नं काल !

न्हापां खास्तिता धर्मगुरुपिसं भृकुटीयात स्वागत यात । अले सँमित लँ सो वै च्वपिसं स्वागत यात । नेपाःमितसें सँमितय् भृकुटी लःल्हात । भृकुटीया खः, शाक्यसिंह बुद्धया खः व क्वसः ज्वलं ब्याक सँमितसें कोबुल । नेपाल राज्यया राजगुरु वज्रांगवोधिं सँमिया राजगुरु, बोन्पा लामायात न्यंकल “थौंया दिने जिमि देशया लाय्कू म्हाय् छिकिपिनि सँ देशया जुजु श्रोन् चेन् गंपोयात धकाः बिया, उकि छिकिपिनि सँ देशया जुजु श्रोन् चेन् गंपोयात धकाः बिया, उकि छिकिपिनि लाय्कू भौमचा जुल । जिमिसं थ्वयात जन्म बियाः ब्वलंकालि छिकिपित बिया, आः, छिकिपिसं थ्वयात कर्म बिया दिसँ ! जन्म भूमि थ्वया नेपाल खः कर्म भूमि थ्वया आः संदेश जुल । जिमिगु नुगले सेल्लाक थ्व पत्यार दुकि छिकिपिसं थ्वयात जिमिसं सिवेनं बांलाक बिचाः संचाः यानाः तै ! छिकिपित आपत बिपत जूवैबले जिमिसं छिकिपिनिगु देशयात जिलाजं देश भालपा ग्वाहाली याय्त नं नुगःपा बच्छि बच्छि पिकयाः ख्वालं हिसिया गाकु गाकुं छयले छुनातःगु लुँया स्वाने च्वपिं लापात व भंगःतसें नं क्वात्तु क्वाकु क्वाकु ल्हाते न्ह्यानातःगु लुँ, वहः भुइया चुल्याया सलं नं संगीत न्यंकुं न्यंकुं सिमातसें थःदेशया लानीमै भृकुटी नाप बयाहा ज्वी माःगु विरहं आकुल ब्याकुल ज्वीकाः न्या थें चंचं

नं प्रतिज्ञा याय्कि छिकिपिनि लाय्कू म्हाय्पात गुगु प्रकार या सुख शान्ति वीगुलि नं छिकिपिसंया सिनं म्ह याय् मखु । थ्व छिकिपिनि म्हायमचा गुम्ह जिमि भौमचा जुल, थ्वयात जिमिसं शाक्यसिंह बुद्धया ल्यू ल्यू मानेयानाः जक मखु, पूजा नं याना तय् । हानं थ्व नं धाय् कि चीन सम्राटया म्हाय् नं जिमि जुजुया महारानी खः, वयात स्वयाः छुकीसनं थ्व भृकुटी महारानीयात म्ह याय् मखु । जिमिगु संदेशया बोन धर्म सँमि राष्ट्रयात प्रगति याय्त, सभ्य याय्त, सुसंस्कृत याय्त गाक्क मगाः उकिं चीन सम्राटया म्हाचं नं भैषज्य तथागत बुद्धया मूर्ति नाप अनेक सभ्यताया सामान ज्वना वल धयां छिकिपिसं नं जिमित चीनया सिवं म्ह मज्वीक क्वसःया रुपे अनेक कला कौशल बिया दिल । गुगुलिं यानाः जिपिं सभ्य व सुसंस्कृत राष्ट्र ज्वीगु जुल, धन्यवाद !” धकाः धलवटया मलः छजो विल । अले हानं नेपालया वज्रांगवोधिगुरुजुं नं गं व वज्र छजो विल । भृकुटीयात आशीर्वाद बियाः शाक्यसिंह बुद्धयाके आशीर्वाद फ्वनाः वज्रांगवोधिगुरुजु ल्यहाँ बिज्यात ।

भृकुटी सँक्व थ्यनेवं सँक्वमि ब्याक्कसिनं अने तने बाजं थानाः मे हाला, धुं, धुपाय् व गुंगू थनाः ताय् अबीरं व फिफुलिं व्छाकाः जय जयकार यानाः स्वागत यात । वज्रयोगिनी नापं विजय ध्वजा व्वयका च्वंच्वंम्ह सँमि जुजु भृकुटी भःभः धय्क जिगि जिगि धाय्क जात्रा यानाः हःगु खनाः साप हे लयल्यताल । भृकुटी नाप नेपालया शिल्प, कला कौशल, संगीत, सभ्यता व सौम्यभाव खनाः त्वाय्गुली जिकारखोंचम्ह जुजु श्रोन् चेन् गंपोया अहंकार चुं चुं जुल । थः हे प्यहाँ वनाः भृकुटी काः वन । खतं प्यहाँ वयाः बोन्पा लामाया मिखाभाय् थ्वीकाः श्रोन् चेन् गंपोया पाली भृकुटीं भोपुल । वं नं वयात “म्वाल म्वाल” धकाः ल्हाःनिपां नाईक थनाः काल । निम्हेस्यां न्यता च्यात । गुबलें ल्हाःनिपां नाईक थनाः काल । निम्हेस्यां न्यता च्यात । गुबलें कोछुय मर्निन्मह सँमिजुजु, व नं कोछुत । भृकुटीं तुतिया पचिन बँ वःकया सासः तोतल । श्रोन् चेन् गंपो वाकुछिनाः थःत थमं पोचिन । अन हे बोन्पा लामां धार्मिक विधिबिधान पूर्वक होंकालि निम्ह त्यपुयातं आशिर्वाद बियाः खातां क्वाखाय्कल । अले निम्ह त्यपुलिं यंकाः वज्रयोगिनी दर्शन याक्क यन । अनलि सँमि दस्त्रं निम्ह त्यपूयात सल गय्काः थः थाय् यंकल । कथहं.....



## साहित्य –चिनाखँ शिक्षाय् बुँ ख्यो हे तिनी

असार श्रावणया भरि  
जंगले खला लिक लिक  
म्हुकत बुथें अनस अनस  
थनसं थनसं ब्वनाकुठी  
आ:थें गन दु धका  
अले गन वनां ब्वनेनेगु  
सुथसिया जा नये धुनेवं  
लिमला फमला म्हुतु हु हुं  
सा, मे, चोले, फैया वथान  
ख्याख्यां तधंगु खेलेयंका  
जय यंकेगु वोहे खेलेभवा  
मचात फुक फाक मुना  
धुयागु अचार तरकारी ला  
मागु सामान धुया हे दयका  
भो छुना नयगु भव्य न्याइपुकाव  
वो वाहेक मेगु यायेगु छु दु धका  
आ वया व म्हितेगु खेल  
थीथी ब्वनाकुठी दयका ह:गु



**कृष्ण किपू**  
भरिया पुखुसी,  
किपू-१०

म्येगु प्यचा घचात उखें थुखें  
ब्याय् ब्याय् जुयाचोंगु  
असार व श्रावणया भरि  
म्हुक वुथें बुयाचोंगु ब्वनाकुठी  
थौकन्हेया मचात निदफुना  
स्वदं केसेनिसें शिसु स्याहारे  
तये यंकेत हथाय् चाइगु  
मचात न्याक्व ब्ववोंसां  
सुशिक्षित खाँचो हे तिनी  
उकिं शिक्षाया बुँ ख्योहे तिनि



**चन्द्रलाल श्रेष्ठ**  
किपू-१०, ध्वाकासि

## लोभि जुइमते

वा बल चाउ हल  
सकसितं इनाबिल  
अप्व: मा:म्ह मचा छम्ह  
हवाय् हवाय् खल  
अले सकसिनं धाल  
अप्व: लोभी जुइमते

## लोकगायक रत्न बेहोशीया जहान चन्द्रमाया मन्त

**ज्वजलपा वा:पौ**

नेपालभाषा सांगितिक  
ख्यलय् विशिष्ट योगदान  
यानादिम्ल लोक गायक एवं  
वरिष्ठ संगीतकार रत्न  
बेहोशीया ६५ दँया जहान  
चन्द्रमाया बज्राचार्यजुया  
देहावसानं सकल नेपालभाषा  
संगीतप्रेमीपिनित शोकाकूल  
यानाब्यूगु दु ।

शुक्रवा: बहनी ८:१५  
बजे देहत्याग यानादिम्ल थम्ह  
जहानया पशुपति आर्यघाटय्  
अन्तिम संस्कार जुइगु  
जानकारी लोक गायक  
बेहोशीयापाखें वरिष्ठ  
कलाकार एवं संचारकर्मी सुर  
ज व्यञ्जनकार जानकारी  
बियादिइगु दु ।

क्यान्सर ल्वय्या उपचार  
यानाचवनादिम्ल लोकगायक र  
त्न बेहोशीया जहान भक्तपुर  
क्यान्सर अस्पतालय् उपचार  
या भव:लय् देहत्याग  
यानादिइगु  
ख: ।

स्वर्गीय चन्द्रमाया  
बज्राचार्यया सुपुत्र आनन्द



बज्राचार्य व चेतन बज्राचार्य  
व भौमचा प्रशंसा बज्राचार्य,  
म्य्याय् मुनु बज्राचार्य लिसें  
छयिपं अञ्जली, सुमन र  
आशा बज्राचार्य ख: ।

न्हापा थ: काय् इलं  
मत्यवं मदयावंगु इलय् नं  
दाहसंस्कार तत्काललिपा  
नेपालभाषा सांगितिक  
ज्याभव:लय् न्ययज्यानादिम्ल  
लोकगायक बेहोशीजु नापं परि  
वारजनयात थुगु घटनापाखें  
व:गु तहंगु दु:ख सामना  
यायेत धैर्यताया कामनालिसें  
दिवंगत आत्माया चीर  
शान्तियानिति कलाकारिता  
ख्य:नापं संलग्न सकसिनं  
कामना या:गु दु ।

**बुखँ नापं किपा:**  
**सुरज व्यञ्जनकार**

**नेवा: गाय. गम. १०६.६**

नेवा: स:

नेवा: एफ. एम. १०६.६



नेपालभाषा  
एकेदेमिया नितिं  
अनक मिडिया  
प्रालिया न्ह्यब्वया

[newafm.com.np](http://newafm.com.np)

आ: न्हिच्छि चच्छि विश्वया न्ह्यागु

कुनय् च्वना नं न्यनादीफइ ।

नेवा: एफ. एम. न्यनादिसँ

नेवा: जुयाया गौरव यानादिसँ

नेवा: एफ. एम. १०६.६

न्यामासिमा, द्य:ध्वाखा, किपू-२

फोन ४३३४२२२ ईमेल:

[ankmedia.newafm@gmail.com](mailto:ankmedia.newafm@gmail.com)

## बिचा: हायेका



बुदिं  
वि.सं. १९९८



**मदुम्ह मयजु माया महर्जन**

मदुगु  
वि.सं.  
२०७४/१०/२४



थुगु संस्थाया पुलांम्ह नाय: लोकलाल महर्जन व शेयर सदस्य लोकनाथ महर्जनया मां  
**मयजु माया महर्जन** थ्वहे ने.सं.११३८ सिल्लागा सप्तमी बुधवार खुन्हु न्हयखुदं (७६)दँय् मदुगुलिं  
मुदम्हेसिया चित्तशान्ति जुया सुखावति भुवनय् बास लायेमा धका: कामना यासैं दु:खंक:पिं सकल छेंज:पिन्सं  
मन चिइफयेमा धका: बिचा: हायेका च्वना ।

**किपू धुकू बचत तथा ऋण सहकारी संस्था लि.**

नयाँ बजार, किपू-९